



Temeljem članka 17. točka 1) i članka 44. stavak (1) Zakona o Visokom sudbenom i tužiteljskom vijeću Bosne i Hercegovine („Službeni glasnik Bosne i Hercegovine“, br. 25/04, 93/05, 48/07, 15/08, 63/23 i 9/24), a u svezi sa člankom 61. i 62. Poslovnika Visokog sudbenog i tužiteljskog vijeća Bosne i Hercegovine („Službeni glasnik Bosne i Hercegovine“, br. 55/13, 96/13, 46/14, 61/14, 78/14, 27/15, 46/15, 93/16, 48/17, 88/17, 41/18, 64/18, 12/21, 26/21, 35/21, 68/21, 1/22, 26/23, 83/23 i 9/24), Visoko sudbeno i tužiteljsko vijeće Bosne i Hercegovine (u daljem tekstu: Vijeće), u sastavu, sudac Halil Lagumdžija, predsjednik Vijeća, sudac Aleksandra Obradović i sudac Sanela Gorušanović - Butigan, potpredsjednice Vijeća, te članovi Vijeća tužilac Sanin Bogunić, tužitelj Biljana Simeunović, advokatica mr. Duška Bogojević, sudac Ljiljana Bošnjak - Glizijan, sudac mr. Srđan Forca, sudac Mustafa Šabić, advokatica Amila Kunosić i tužiteljica Snježana Petković, na sjednici održanoj 15. i 16.05.2024. godine, donijelo je

R J E Š E N J E

o imenovanju suca Okružnog suda u Banja Luci

- I. Za suca Okružnog suda u Banja Luci imenuje se **Šarčević Danijela**.
- II. Datum stupanja na dužnost imenovane Vijeće će odrediti posebnom odlukom.

O b r a z l o ž e n j e

Vijeće je dana 15.01.2024. godine, na internet stranici objavilo javni natječaj, broj: 04-07-3-188-1/2024, za četiri (4) upražnjene pozicije sudaca Okružnog suda u Banja Luci, i to 3 pozicije sudaca na građanski referat i 1 pozicija suca na kazneni referat – Posebno odjeljenje za suzbijanje korupcije, organiziranog i najtežih oblika privrednog kriminaliteta. Potrebno je napomenuti da je Vijeće na sjednici održanoj 18. i 19.10.2023. godine donijelo odluku o **ponavljanju konkursa za jednu (1) poziciju suca Okružnog suda u Banja Luci**, a imajući u vidu činjenicu da Vijeće prilikom imenovanja kandidata nije bilo u mogućnosti primijeniti odgovarajuće ustavne odredbe kojim se uređuju jednaka prava i zastupljenost konstitutivnih naroda i ostalih u smislu članka 43. stavak 2. Zakona o VSTV BiH navedenu poziciju oglašenu javnim natječajem broj: 04-07-3-1787-1/2023 od 10.05.2023. godine.

Nakon provedene natječajne procedure, nadležno podvijeće je sukladno članku 59b. st. (1), (2) i (4) Poslovnika VSTV-a BiH izvršilo finalno rangiranje kandidata, te je Vijeću dostavilo rang listu kandidata sa obrazloženim prijedlogom za postupanje.

Razmatrajući zaključenu rang listu kandidata i utvrđeni broj bodova, kao rezultat ocjenjivanja svih kriterija propisanih Zakonom o Visokom sudbenom i tužiteljskom vijeću Bosne i Hercegovine (u daljem tekstu: Zakon o VSTV-u BiH) i Poslovníkom VSTV-a BiH, Vijeće je odlučilo da na 4 (četiri) pozicije sudaca Okružnog suda u Banja Luci imenuje 4 (četiri) kandidata, i to kandidate na rang listi pod rednim brojem 1,2,3 i 5.

Dakle, Vijeće je odlučilo da za četvrtu od četiri oglašene pozicije sudaca Okružnog suda u Banja Luci imenuje kandidata na rang listi pod kandidatkinju pod rednim brojem 5. na rang listi, Šarčević Danijelu iz reda srpskog naroda, koji od 2017. godine obavlja dužnost suca u Okružnom privrednom sudu u Banja Luci.

Prethodno imenovanju na poziciju suca u Okružnom privrednom sudu u Banja Luci, imenovana je obavljala funkciju stručnog suradnika u periodu od 2008. g. do 2017.g. i pripravnika u periodu od 2005.g. do 2007. godine u Okružnom sudu u Banja Luci.

Vijeće je nakon ocjene stručne sposobnosti kandidata zasnovane na dosadašnjim rezultatima u karijeri, sposobnosti pravne analize, komunikativnosti i sposobnosti prezentacije, sposobnosti kandidata da odgovorno, neovisno i nepristrasno obavlja funkciju suca, uzimajući u obzir, između ostalog, dosadašnje radno iskustvo kandidata, profesionalnu nepristranost i ugled, ponašanje van posla, edukaciju i usavršavanje, objavljivanje stručnih i naučnih radova, te druge aktivnosti u struci i ocjene kriterija podobnosti, ocijenilo da imenovani kandidat u potpunosti ispunjava uvjete za imenovanje propisane u članku 43. Zakona o VSTV-u BiH.

Prilikom imenovanja navedenog kandidata, Vijeće je u skladu sa članom 59b. stav (5) tač. a), b), c) i d), a u vezi sa članom 61. Poslovnika VSTV-a BiH, kumulativno vodilo računa o broju ostvarenih bodova kandidata, okolnostima koje su relevantne za procjenu podobnosti kandidata iz člana 48a. ovog poslovnika, potrebi osiguranja adekvatne nacionalne i spolne zastupljenosti u sudu, odnosno tužilaštvu, u smislu člana 43. stav (2) Zakona i radnom iskustvu kandidata u određenoj oblasti prava.

Kada je u pitanju broj ostvarenih bodova, Vijeće je imalo u vidu da je imenovana kandidatkinja u toku konkursne procedure, u pogledu bodova za kriterij stručnosti i sposobnosti pravne analize ostvarila ukupno 96 bodova od mogućih 100 bodova, dok je na razgovoru pred nadležnom komisijom Vijeća u pogledu drugih kriterija ostvarila ukupno 17 bodova od mogućih 20 bodova, što ga je u konačnici rangiralo na prvom mjestu rang liste kandidata sa ukupno ostvarenih 113 bodova od mogućih 120 bodova.

Kriteriji stručnosti i sposobnosti pravne analize imenovanog kandidata, koji već obavlja dužnost suca, utvrđeni su na osnovu ocjene rada za posljednje tri godine za koje je ocijenjen, i to za 2019. g, 2021. g. , i 2022. g. , a računajući do dana isteka roka za podnošenje prijave po navedenom konkursu.

Na osnovu ocjena rada za 2019. g, 2021. g. , i 2022. g., odnosno ocjena 4, 5 i 5, utvrđeno je da je kandidat za navedene tri godine za koje je ocijenjen ostvario prosjek od 4,7. Prema odredbama člana 56. stav 2. Poslovnika VSTV-a BiH, njegovoj prosječnoj ocjeni rada za prethodne tri godine koja iznosi 4,7 dodijeljen je ekvivalentan broj bodova koji se koristi u natječajnoj proceduri od 96 bodova.

Ostali kriteriji, koji se odnose na sposobnost kandidata da odgovorno, nezavisno i nepristrasno obavlja funkciju za koju se prijavio, profesionalne nepristranosti i ugleda, te ponašanja van posla, dosadašnjeg radnog iskustva kandidata, edukacije i usavršavanja, objavljivanja stručnih i naučnih radova, te drugih aktivnosti u struci i komunikativnosti utvrđeni su na razgovoru pred nadležnom komisijom Vijeća, kojom prilikom je svaki član komisije nezavisno bodovao kriterije, kako je to propisano u čl. 54., 54a., 54d., 54e. i 54f. Poslovnika VSTV-a BiH, pri čemu je kandidat po tom osnovu u konačnici ostvario ukupno 17 bodova.

Pored ukupnog broja ostvarenih bodova, gdje je kandidat u skladu sa članom 59a. stav (1) tačka b) ostvario potreban uspjeh od najmanje 105 bodova, kako bi bio predložen i imenovan na poziciju suca kantonalnog suda, Vijeće je, kao što je to prethodno navedeno, vodilo računa o okolnostima koje su relevantne za procjenu podobnosti kandidata iz člana 48a. ovog poslovnika, kao i o potrebi osiguranja adekvatne nacionalne i spolne zastupljenosti u navedenom sudu, u smislu člana 43. stav (2) Zakona o VSTV-u BiH.

Vijeće je prilikom imenovanja navedenog kandidata ocijenilo da ne postoje okolnosti koje izazivaju sumnju u pogledu podobnosti kandidata za poziciju za koju se prijavio.

Adekvatna nacionalna zastupljenost u konkretnom sudu utvrđena je na osnovu popisa stanovništva iz 1991. godine i zaključka Vijeća koji je javno objavljen na internet stranici Vijeća, donesenom na sjednici Vijeća održanoj 9.3.2017. godine koji glasi:

„Vijeće je usvojilo zaključak da će se, za svrhu budućih imenovanja, prilikom utvrđivanja nacionalnog balansa u općinskim i osnovnim sudovima u FBiH i RS-u za osnov uzimati podaci prema popisu stanovništva iz 1991. godine za područje općina koje ulaze u mjesnu nadležnost pojedinog suda. Ako su

općine koje ulaze u mjesnu nadležnost pojedinog suda promijenile svoje granice u odnosu na stanje iz 1991. godine, u obzir će se uzimati podaci o nacionalnoj strukturi na nivou kantona/okruža.“

Nacionalna struktura 36 sudaca Okružnog suda u Banja Luci, prema popisu stanovništva iz 1991. godine, bi trebala biti: Bošnjaci – 5,6, Hrvati – 3,9, Srbi – 23,1, Ostali – 3,4. Trenutna nacionalna struktura 18 sudija je: Bošnjaci - 4, Hrvati – 4, Srbi - 20, Ostali - 2.

Prema prethodno navedenoj nacionalnoj strukturi u Okružnog suda u Banja Luci kandidata iz reda hrvatskog naroda je (0,1), dok nedostaje kandidata iz reda srpskog naroda (- 3,1), bošnjačkog naroda (- 1,6) i ostalih (- 1,4). Na rang listi kandidata od prvih deset kandidata shodno članu 59b. stav (2) Poslovnika VSTV-a BiH, između kojih se vršio izbor i imenovanje, nije bilo kandidata iz reda ostalih.

Pored svega navedenog, Vijeće je prilikom imenovanja vodilo računa i o radnom iskustvu kandidata u određenoj oblasti prava, te je cijenilo da imenovana kandidatkinja obnašajući funkciju suca u sudu posebne nadležnosti koji uključuje parnične i vanparnične sporove, posjeduje traženo iskustvo na građanskom referatu.

Vijeće je u odnosu na kandidata na rang listi pod rednim brojem 4 odstupilo od rang liste i opredjelilo se za imenovanu kandidatkinju iz slijedećih razloga:

U odnosu na četvrtorangiranog kandidata koji dolazi iz reda srpskog naroda, a obnaša funkciju tužitelja od 2018. godine, Vijeće je dalo prednost imenovanoj kandidatkinji pod rednim brojem 5 Šarčević Danijeli, koja takođe dolazi iz reda srpskog naroda i obnaša sudačku funkciju u Okružnom privrednom sudu u Banja Luci, radi radnog iskustva kandidata u određenoj oblasti prava traženog objavljenim javnim natječajem, u konkretnom slučaju iskustvo u radu na građanskom referatu.

Uzimajući u obzir navedeno, Vijeće je vodeći računa o svim okolnostima iz člana 59b. stav (5) tač. a), b), c) i d), a u vezi sa članom 61. Poslovnika VSTV-a BiH, ocijenilo da je imenovana kandidatkinja u potpunosti ispunila zakonom propisane uslove, kao i druge kriterije koji se cijene prilikom izbora kandidata, kako bi bila imenovana za suca Okružnog suda u Banja Luci.

Shodno odredbama člana 62a. stav (2) Poslovnika VSTV-a BiH, u skladu sa Zakonom, odlučivanje o stupanju imenovanog na dužnost odgađa se do okončanja dodatne provjere iz člana 86c. Zakona, ukoliko se ista provodi, odnosno do okončanja upravnog spora ukoliko je pokrenut protiv rješenja o imenovanju.

Ovo rješenje će biti objavljeno na internet stranici Vijeća, shodno članu 44. stav (1) Zakona i članu 62. stav (4) Poslovnika VSTV-a BiH, uz naznaku datuma objave od kojeg počinje teći rok za podnošenje tužbe.

Imajući u vidu sve iznesene razloge, Vijeće je odlučilo kao u izreci ovog rješenja.

Pouka o pravnom lijeku: Protiv ovog rješenja može se pokrenuti upravni spor pred Sudom Bosne i Hercegovine u roku od osam dana od dana objavljivanja rješenja o imenovanju na internet stranici Vijeća.

Broj: 04-07-3-2173-1/2024
Datum: 16.05.2024. godine



